

欽定大清會典事例

欽定大清會典事例卷五百六十二

兵部

職制 銓選二

嘉慶五年奏准。副將以下。守備以上。二年半薦舉人員。歸於雙月用。卓異二人。候補一人。後用薦舉一人。薦舉千總。俟卓異用二人。後用薦舉一人。將雙月卓異班改為卓薦班。○又奏准。雙月推升選補各官。仍由兵部堂官會同山西道御史掣籤。○六年奏准。候缺各官。掣籤後考驗人材弓馬。如庸劣不堪者。題明扣除。令其原

品休致。○又奏准。澎臺俸滿保送千總。與難廕
守備。以單月劄班。相間輪補一員。澎臺千總俸
滿。既經停止。將單月劄班。改為難廕班。當差班
改為差班。雙月三委班。改為三候推班。當差班
改為差班。廕生改為武班。改為廕生班。○九年奏
准。武職捐納人員內。有因銓選無期。情願註銷
捐班者。俱准其註銷。仍歸本班銓選。又武進士
充補提塘差官。歸入效力班。勞班後。遇本科輪
選到班。仍准其選用。其先充差官。期滿以營用。
復充提塘。期滿。及先充差官。期滿。以衛用。復充

提塘期滿。仍以衛用之武進士武舉。無論勞班效力班。均准選用。○又奏准。單月內河水師遊擊缺出。如無合例可推之員。行文該督撫於歷俸未滿之都司內。揀選保題升署。再無合例之人。准於現任守備內。遴選通融題補。○十一年奏准。每年應用副將參將遊擊都司月缺。共止七缺。專以在京旗員補放。其駐防保送記名人員。毋庸輪用此項月缺。○又奏准。揀發人員到標後。無題缺省分。俟部選一缺後。准其扣留一缺。以揀發人員補用。其題缺無多省分。遇有題

補缺出。仍照例題補。如係選缺。俟部選二缺後。准其扣留一缺。以揀發人員補用。此內如遇月缺。仍歸部選。再有缺出。方准扣留。○十二年奏准。每月截缺。遇有具題應出之缺。如遇

巡幸行圍之時。不能於二十日以內到報者。兵部一面具題。一面先行開缺。仍歸本月選用。○又奏准。閏月部推缺出。俱歸入下月選用。○十五年奏准。外省現任武職各項送部引

見應升人員。如有親老引

見後呈明存案。升用時代掣近省。聲明請

旨。如本月僅出有近省之缺。掣籤後將原呈註銷。如僅出有遠省之缺。仍照例掣籤。後將原缺扣除。俟有近省之缺。即行擬補。如本月所出之缺。有遠近省分者。仍行掣籤。如掣得近省。亦將原呈註銷。如掣得遠省。照月選籍隸本省迴避之例。互相調掣。仍將所掣遠缺註冊。俟服闋時。坐補原缺。○十七年奏准。單月營守備缺出。遇輪用差班時。如本班無人。准其以營守備用之期滿差官抵補。○道光六年奏准。酌增常例捐納。參將遊擊都司。即用人員。歸於雙月。與卓異候補。

薦舉三項人員。相間輪用。捐營守備即用者。歸於雙月。與各班相間輪用。其由現任營千總候補營千總並捐分發營千總捐升營守備者。歸於單月一升班內。用捐升二人。後用門千總一人。由回任候題候推守備捐升營守備者。歸於單月二升班內。用捐升二人。後用衛千總一人。至都司以上人員。奉

旨特用者。歸於雙月。與各班相間輪用。○又奏准武進士武舉武生報捐各官。照文職例。俟戶部將捐冊咨送。准取同鄉京官印結黏連執照赴部。

具呈註冊銓選。毋庸再取本籍赴選文結。其從前各舊例報捐各官。亦照新例辦理。○又議准武職離任應坐補原缺人員。如捐升別項與捐免坐補原缺。取具原籍赴選文結。赴部投供候補。俱按人文到部投供日期先後。參將遊擊都司歸於雙月補用。營衛守備衛千總俱歸雙月五缺後選用。守禦所千總歸雙月三缺後選用。○七年奏准。都司以上各官奉

旨特用者。投供後歸於雙月與各班間用。其各項候補人員。仍照舊例挨次銓選。○十三年奉

諭陶澍奏請將裁撤都司留於本省遇有陸路相當都司缺出另行題補等語。原設江南海州營都司陸棠因員缺裁汰例應赴部候補。該督請留於本省另行題補之處。著不准行。仍飭該員赴部候補。○又奏准籌備經費事例。其一切官階銓選班次悉照酌增常例辦理。定以到班時用新捐二人。後用舊捐一人。所有酌增武陟豫東土方衛工工賑川楚各例舊捐人員。遇應用捐班時。於新捐用二人。後各挨次間用一人。共計二十一缺為一周。如本班無人。即以次項人員選用。○又奏准現

任捐升人員。毋庸報捐離任。准在任候選。如有願捐離任者。查其任內無關展參降調等項事故。准報捐離任。○又議准。凡降革離任捐復原官。其原任內所有降革留任處分。仍照例帶於新任內。限年開復。如捐升別項。俱令照案盡行捐復。再准捐升。至外任捐升官員。任內有罰俸之案。准其銓選。將罰俸之案。帶於新任。○又議准。舊捐各項人員。已取有本籍赴選文結到部。又行加捐。即用先用者。免其重取文結。俟原捐衙門知照到日。即准註冊銓選。加捐別項人員。

從前已取有文結到部。及降革捐復人員。已有前任交代清楚文結到部者。亦免其重取本籍文結。俟原捐衙門知照到日。取具同鄉京官印結黏連執照查對相符。即准註冊銓選。至現在報捐官生。仍於具呈時。黏連同鄉京官印結投遞。以防違礙。其過班人員。無論前捐執照曾否繳銷。俱令黏連同鄉京官印結呈遞。以杜頂冒。○又議准武職捐升人員。任內如有展參關繫降調之案。輪班應選時。不准銓選。○又議准捐納人員。給有執照。由原籍地方官起文赴選。該

督撫嚴飭地方官查明出身履歷。按限轉詳咨部。不得任意稽延。如有勒情情事。准本員赴部具呈。先取同鄉京官印結。聲明註選行文該省督撫查明嚴叅。若本員未經在籍呈請起文。率行赴部註選。即將本員嚴行處分。其旗員文結圖片。亦照此辦理。○又議定現任遊擊與候補候選遊擊捐升參將即用。現任都司與候補候選都司捐升遊擊即用。與由監生武生捐職都司及現任營衛守備候補候選營衛守備與已捐營衛守備即用人員捐升都司即用者俱歸

雙月選用。又議定凡由監生武生與捐職營守備候補候選營守備奉

旨以營守備用之現任所門衛千總候補候選衛守備以衛用之所門衛千總現任營千總並現任未經分別營衛之所門衛千總未經揀選武進士效勞未滿差官效勞未滿提塘候補候選守禦所營衛門千總捐營守備即用者俱歸雙月銓選其由發回本省候題候推之千總捐升營守備者仍歸單月二升班內選用其由現任營千總候補營千總並捐分發營千總捐升營守

備者仍歸單月一升班內選用。○又議准從前武進士有一二三等之分。作為一二等者俱歸現在以營用之武進士班內。相間輪用。今武進士分別等第之處奉

旨刪除。其從前揀選三等武進士及奉

旨以衛用武進士。有改捐營用者。仍歸現在以營用之分發及投供武進士班內。以營守備相間輪用。○十五年奏准。每年八月分應用漢軍參將。行文侍衛處。八旗鑾儀衛等處。輪用咨取。如各該處無應行保送之員。將缺扣留。歸入下月別

項人員銓補。○又奏准。凡由武進士出身。挑取侍衛之滿洲蒙古人員。悉照漢侍衛之例。俟期滿後。各按俸次科分。一體銓選。○十六年奏准。漢頭等侍衛降三級調用者。以藍翎侍衛降補。俟行走年滿。歸入藍翎侍衛應用班內。按中式科分名次。挨次銓選。藍翎侍衛降級調用者。無級可降。應行革職。○二十年奉

旨。裕誠等奏。侍衛處保送漢軍遊擊人員。俱難入選。請照例將員缺扣留。歸於下月銓補。著照所議辦理。嗣後各衙門保送人員。務當認真選擇。毋得濫竽充數。

並著派出揀選之大臣會同該部秉公考驗如所保之員俱難入選即著照此辦理毋稍遷就○又奏准部推之缺督撫在外揀員調補其出缺在二十日截缺以前到部照例覆准如逾二十日截缺之期又係本月分應用月缺仍照例揀選請

旨補放俟揀補人員到省時再行察看對調○二十一年奏准豫工事例捐納參將遊擊都司守備即用人員銓選班次仍照籌備例選法辦理定以到班時用新捐二人後用舊捐一人凡籌備酌增武陟豫東土方衛工工賑川楚各例舊捐

人員遇應用捐班時。於新捐用二人後。各挨次
間用一人。共計二十四缺。為一周。如本班無人。
即以次項人員選用。○又奏准武職捐納候選
及分發各員。如有未赴本籍起文者。准其取具
同鄉京官印結。赴部具呈註冊投供。銓選分發。
○又奏准武職坐補原缺人員。經該督撫咨送
到部引

見奉

旨後。即行捐免坐補原缺。俟戶部知照到部。取具同
鄉京官印結。即准投供。如逾半年始捐。及捐後

半年始投供者。仍令回籍起文到部。方准投供。
各按投供先後銓選。如同日投供。按上庫先後。
同日上庫掣籤選用。○又奏准武職降革捐復
人員。俟捐復引

見後。取具同鄉京官印結。准其投供註冊。如逾半年
投供。仍令取本籍赴選文結註冊。始准投供。各
按投供先後銓選。同日投供。按奉

旨先後同日奉

旨掣籤選用。○又議准嗣後告近人員。其父母存歿
年歲。並有無次子。總以原取赴選文結為憑。如

丈結到部不准復行呈請更正。儻實係地方官冊報舛錯。令該員指實聲明。取具同鄉京官印結。行查本籍。覆到之日。准其更正。並飭取地方官外錯職名議處。若原文內並無舛錯。即將本員及出結官照例議處。○又議准武職捐納銓選人員。聲明祖籍寄籍。有占至二三省者。竟將邊遠省分全行扣除。殊屬規避。嗣後赴選各員。止准聲明實在的確祖籍寄籍某府某縣。以便行查。若再有占至二三省。不准行查。仍將該員照例議處。○又議准武職捐升人員。任內如有

展參關係降調之案。輪班應選時。不准銓選。亦不准捐分發。○二十二年議定。嗣後捐免坐補。原缺營衛守備。以投供日起。積算雙月五缺後。選用一人。其捐復人員。及奉

旨留部以營守備選用。並奉

旨補用人員。投供後。以奉

旨日起。積算雙月五缺後。儘奉

旨在先者。選用一人。如應按奉

旨人員。與應按人丈到部人員。同時到班。將奉

旨日期。與人丈到部日期。比較先後。儘在先者。選用

一人仍積算五缺後再選用一人。○又議定參將遊擊都司守備終養事畢奉

旨不必坐補原缺各員以投供日起歸於單月五缺後選用各按人丈到部先後如同日到部按離任先後補用。○又議定雙單月五缺後選用各項人員如論選到班適行查未覆扣選將其次之人選用俟行查到部仍積算五缺後選用如名次在前之人扣選其次之人尚未積有五缺即將此缺過班從過班之缺算積五缺後將其次之人選用名次在前之人行查到部毋庸積

算缺次遇缺補還。不積五缺。從人員之缺。○二十五年奏准。武職捐輸。應照文職。令該捐生等各取具該旗佐領圖結。及同鄉京官印結。方准赴選。○又奏准。捐輸人員。凡例由本籍起文赴選者。責成地方官取具該員族鄰甘結。加具印結。送部。其隨任赴選之員。責成本任官出具文結。由本員具呈註冊。銓選者。責成同鄉官出具確實印結。均令於文結內詳敘捐生委係身家清白。並無隱匿犯案。改名朦捐等弊。○咸豐元年奏准。籌餉事例捐納。並過班歸部銓選人員。

四月截卯一次。戶部按卯送冊後。兵部即知照。山西道公同掣定名次。該捐生等領有執照。准其先行取結赴部呈驗。聲明註冊投供。扣足五十五日。即准選用。其籤掣名次。各歸各卯。以卯之次數為序。挨次輪選到班時。各用名次在前者。一人周而復始。○又奏准營衛各官。准報捐儘先捐班前。遇輪選到班。先將儘先人員儘數選用。次用捐班前。再次用雙單月人員。概積新班之缺。○又覆准嗣後凡有現任捐升歸部銓選人員。如非應升之階。照現任越級捐升開缺。

成案俱令離任候選。有情願留任者。應令於捐升時。先捐免離任。如所指捐升之項。本係應升之階。並非越級捐升。呈內聲明在任候選者。仍毋庸捐免離任。○二年奏准。嗣後遇有現任人員。報捐離任。即由戶部知照兵部。詳細覈覆辦理。其餘各項。概於截卯後造冊咨送補行查覈。如查有蒙混捏飾等弊。即將所捐官職扣除。所捐銀兩。毋庸給還。免其議處。如僅原呈內小有錯誤。查出應令更正。換照一體掣籤銓選。○八年議准。武職捐納儘先各項人員。有願補交四

成實銀者。作為新班遇缺。准其遇缺儘數選用。至捐班前雙單月雙月單月人員。有願捐歸新班遇缺者。均令捐足儘先後。再照儘先補交實銀四成。作為新班遇本班到班時。先行選用。○又議准。軍營保奏儘先人員。有願交四成實銀者。照各本職儘先銀數補交。准歸新例遇缺選用。○同治二年奏准。各省捐輸參遊都守各員。應令該撫先行送部引。

見後方准收標試用。○三年奏准。甘肅為軍務省分。遇有揀發分發人員。悉令依限赴省。不准報捐。

離省改指他省實缺人員無論

特旨簡放以及月選推升即令領憑赴任均不准改
捐降捐如有遵例捐升者統俟到任後呈明酌
辦不得於未到省到任之先捐升改選其在本
省告病人員不准於病痊後捐免坐補原缺改
指別省○五年

諭左宗棠奏閩省武營捐班太多請分別辦理並請停
止報捐武職等語所奏甚是武營流品溷雜勢豪策
名右職藉為護符劣弁巧獵升階專為牟利自應嚴
加區別以肅軍政惟此等情弊不獨福建一省為然

嗣後各直省報捐武職均著永遠停止。○六年奏准各省武職或因案降調及裁缺改補各員業經各督撫奏明留省補用者准歸本省補用其餘各員既無標營可歸應令赴部候選概不得率行咨請留補。○又奏准嗣後裁缺副參以下各官有赴部候補者查照定例遇有部推缺出即行扣留擬補。○九年奏准嗣後曾經引

見奉

旨留部選用之滿員服滿降調各副將暨滿漢各員養親事畢病痊開復捐復各副將均由部中開

有題缺省分請

旨鈐出一省發往補用毋庸再行帶領引

見其軍功儘先選用及裁缺並漢員服滿降調期滿
各副將到部候補未經引

見人員俱隨時帶領發省補用○又奏准嗣後專補
推缺參將赴部候選隨時帶領引

見發省補用不必積至五員○十年

諭前經兵部請飭各省將實任人員開單咨部迄今並
未造報員缺是否虛懸無從查悉至儘先人員履歷
未經到部不能序補該部止能就履歷已到各員分

後先名次於銓選殊有關礙且亦易滋流弊著各直
省督撫嚴飭提鎮各將所屬實任各官並署理之員
及現在尚未請補各缺確查造冊彙齊送部並將各
項儘先人員履歷嚴檄催齊送部註冊統限半年內
查覆不得再行延宕各省實缺提督以下嗣後仍著
各就本標本營按季彙造履歷總冊報部以符舊制
○十二年定凡捐納參遊都守指省分發各員
未經赴部考驗引

見之前概不准先行收標試用即得有保舉儘先即
補字樣及各項升階未經到部考驗引

見之前。概不准題推擬補。亦不得專摺請補實缺。○
又奏准。嗣後各省推補缺出。無論由外扣留。由
部擬補。專用儘先人員。○光緒元年奏准。儘先
副將。再保先行拔補。並儘先遇缺即補者。遇有
各省部推副將缺出。由部扣留。先行擬補。如已
經保留省分。遇有該省題推副將缺出。由該督
撫先行請補。若部中出有該省之缺。亦即先行
擬補。總以兩次保舉為斷。此項人員。如積有數
員。以第二次奉

旨日期為序。如該員已有省分。按初次保舉儘先日

期。業經輪補到班。仍歸入儘先班內序補。若初次遽保先行拔補等項字樣。亦仍歸儘先班挨次補用。不得統壓本班。至參將以下。不准援照。○又奏准。嗣後各省俸滿千總。保送到部。毋庸請

旨發交巡捕營當差。選班復舊。仍照例辦理。○二年奏准。漢侍衛應用月分。如無缺出。無論何月。遇有部推缺出。挨次補還。雖經督撫奏明扣留外。補奉

旨允准。仍查明應還何項月缺。請

旨更正如係應用何項月缺仍專用本月應用人員
毋庸補還有情願分發者准自行呈明由部籤
掣有題缺省分給予驗票前往歸揀發班候補
有親老願掣近省者報滿後取具同鄉京官印
結豫行呈明分發時准掣近省有捐指省分者
不准指捐本省○又奏准親老改補近地人員
遇有近省缺出如無坐補原缺之人無論應用
滿漢月缺先儘此項人員改補不作月缺計算
○又奏准各項漢侍衛以參將遊擊都司用者
門衛千總以營守備用者如投效行間著有勞

績保舉本班儘先選用。遇應用月分。用過勞績
一人。再用俸深一人。藍翎侍衛以守備用者。先
用勞績一人。次用科深一人。各計各班相間輪
用。勞績無人。則以俸深科深抵選。至得有保舉
人員。輪用俸深時。不得再較俸選用。○三年奏
准。應歸部選之遊擊都司守備人員。赴部投供
時。准其呈請分發。除本籍應迴避外。保有儘先
者。將各省統行配籤。掣發一省。歸儘先班。接到
省之日。序補。未保儘先及各項人員。將有題缺
省。分配籤掣發一省。歸揀發班。補用升用人員。

內分別挨次序補。有親老願掣近省者。由原籍督撫取具地方官印結。於給咨文內聲明。毋庸行查。其取具同鄉京官印結。豫行呈明存案。分發時掣得近省。將原呈註銷。掣得遠省。俟行查咨覆到日。再行改掣近省。○又奏准各班人員。凡保舉本班前。本班先。本班前。先選用等字樣者。統歸儘先班內。與各項儘先人員。按奉

旨先後選補。○四年奏准。漢侍衛有親老願補近地者。准於每月初一日。在部豫行呈明。逾期不准呈請。該父母有在籍呈明地方官。出結轉詳督

撫咨部者。如本人現已到班。文到在本月二十日截缺以前。准其改補近省。如文到在本月截缺以後。不准改補。○五年題准。廣東肇慶水師營參將員缺。係內河水師部推之缺。如無保舉內河儘先人員。以外海名次在前儘先參將擬補。○九年奏准。部推守備缺出。除月缺不計外。各計各省。無論部中擬補。該省請補。統計補用儘先三人。後插補營用武進士一人。無論由武生兵生中式。統按到標五年期滿。揀選在前。並無事故者。奏補。如同日期滿。以科分名次先後。

為斷。儻該員與是缺人地不宜。或兵生出身。適遇本府本營之缺。均准先行請補。另揀合例人員對調。概不得聲敘過班。並毋庸調取引。

見由部發給劄付。令其赴任。滿洲蒙古武進士。准分發馬蘭泰甯二鎮。與漢軍包衣武進士。直隸漢武進士。共較期滿先後科分名次序補。至各省駐防武進士。以營守備用者。分發本省。與該省漢武進士一體請補。以上各項武進士。不得再補題缺。如有願發鄰省者。亦毋庸覈計題缺。

欽定大清會典事例卷五百六十三

兵部

職制 銓選論俸 銓選俸升 拔補千把總

銓選論俸。○順治初年定。升選題補各官。均照所報到任日期論俸。○又定。同日補授。同日到任者。遇推升時。若從前曾經出任。照原任俸次先後。若初任之人。照原題疏內名次先後。○又定。在外各官。食俸三年為滿。餘一日作一日。在京巡捕營各官。食俸二年為滿。餘一日作日半。內外較俸升轉。○又定。福建省臺灣協澎湖協

北路協各副將遊擊都司守備。臺灣城守營南路營各參將守備。臺灣鎮標中左右三營遊擊守備。北路淡水營南路下淡水營各都司。均於內地各營內揀選品級相當熟悉風土之員。題請調補。副將三年俸滿。參將遊擊都司守備二年俸滿。該督提會覈題報。於即升官員內。先行升用之中文。先行升用。內有水師各官。照銜缺升用後。調回內地。以水師各營員缺調補。千總咨部調補。不算前俸。三年滿日。考驗保送。把總咨部拔補。三年滿日。以內地千總拔補。○又定。

湖廣永州鎮標中左右三營鎮軍鎮標中左右
前四營綏甯營城步營衛昌營保靖營各遊擊
守備沅州辰州施南永綏各協都司守備永順
寶慶靖州各協都司武岡營都司臨武宜章桂
陽九谿各營中軍守備均五年俸滿該督提會
覈題報升用○又定陝西省安西各營參將遊
擊都司守備及保安營貴德營都司五年俸滿
該督提會覈題報升用○又定四川省松潘鎮
標中左右三營漳臘營疊溪營各遊擊守備平
番營都司南坪營守備五年俸滿如果訓練精

勤化綏有術。番民和輯。邊地敕安。該督提會覈
題報升用。○又定廣東省虎門協右營都司。三
年俸滿。任內並無盜案。該督提會覈題報升用。
儋州營萬州營遊擊守備。五年俸滿。該督提會
覈題報升用。崖州營參將守備。二年俸滿。該督
提於內地屬員內。揀選題請調補。前往更換。果
能整飭營伍。地方安謐。任內並無停升降級承
緝等案。調回內地。該督提會覈題報。照伊銜缺
升用後。遇有水師員缺。題請調補。○又定廣西
省右江鎮標中左右三營。隆林營各遊擊守備。

上林營龍憑營堠肅營各都司。新太協右營東
蘭營各守備。三年俸滿。並無事故。該督提會覈
題報。義甯鎮安慶遠各協副將遊擊都司守備。
新太協副將都司。融懷營參將守備。思恩營遊
擊守備。三里營上思營各都司。五年俸滿。並無
事故。該督提會覈題報。均照邊俸例在任候升。
此內副將俸滿。由部於開列總兵時。將該員俸
滿候升之處。於本內聲明候

旨簡用。○又定。雲南省昭通鎮雄廣南元江各營參
將遊擊守備。三年俸滿。東川營參將守備。五年

俸滿該督提會覈題報升用。○又定貴州省古
州清江都勻丹江都江台拱銅仁長寨新設改
駐之副將參將遊擊守備。三年俸滿歸化營遊
擊守備千總把總五年俸滿果能苗民相安該
督提會覈題報升用。如俸滿推升之後該督提
題請仍留原任者准照升銜論俸升轉。○十一
年題准單月參將員缺將小銜參將署參將銜
銜以上管大街遊擊都督銜以下遊擊銜通共
參將事者較俸升用遊擊員缺將小銜遊擊署遊擊銜
銜以上管大街小銜都司都督銜以下署守備
參事者大街小銜都司銜以上管都司事者

大衛守備

都督衛以下署都司管守備事者

通共較俸升用

都司員缺

先將藍翎侍衛擬補一人一年止用

五人

如並無都司止有守備即以守備一缺先擬補藍翎侍衛合都司守備每年止用五

人其餘員缺係正月七月分將加都司銜之門

衛千總奉

旨以營員用者升用係三月五月九月十一月分以

營衛守備較俸升用守備員缺係正月七月分

將門衛千總並加署都司銜守備銜署守備銜

之門衛千總以營員用者升用係三月五月九

月十一月分將現任千把總捐升守備及門衛

千總應升營守備者共為一班捐升用二人之

後次用應升者一人

為升現任千把總之功加

應用守備考驗一等者用一人

為功

營衛署守

備銜管守備者用五人

為小銜守備班五

分發各省題

補之千總用一人

為分發千總班一

巡捕營當差千總

用一人

為當差千總班一

○又議准銓選次序如小銜

守備門衛千總均按食俸之先後用開復降調

捐還各官各按緣事開復還職日期先後用註

冊千總澎臺千總均按引

見日期先後用如同日引

見將俸滿日期在前者用。巡捕營當差千總按步軍統領咨送名次先後用。分發千總按分發先後用。如同月分發將俸滿在前者用。○康熙三十年議准巡捕營千總不照京俸計算。與外省千總一例。六年俸滿。○雍正五年議准雲南普洱鎮標中左右三營遊擊守備。三年俸滿題報升用。○八年覆准軍功加至副將銜者。升至副將以前照京俸。加至都司銜者。升至遊擊以後照常俸。○又覆准軍功各官。遇開列時。不論俸次。照應得之官。與應行開列之人。一同開列。○乾

隆二年議准四川省威茂協副將都司五年俸滿。如果訓練精勤。化綏有術。番民和輯。邊地敎安。該督提會覈題報升用。○六年奏准。分發委署試用各官。如果諳練營務。人地相宜。該督撫提鎮題請實授。由部查覈題覆。奉

旨准其實授後給劄。以接劄之日起算俸。與各官較俸升轉。○又奏准。裁汰告假丁憂人員。補官後准接算前俸。所有原任即升加級紀薦。准其隨帶。緣事應降應革。遇有

恩赦免議。及本案審虛開復。或奉

旨以原參之案本屬冤抑復還原職者均准接算前俸。所有即升加級紀薦亦准隨帶。如並非本案開復及業經緣事降革奉

旨起用者不准接算前俸。所有即升加級紀薦不准隨帶。○八年議准湖廣苗疆遊擊都司守備均五年俸滿其苗疆之副將參將亦應一例五年俸滿該督提題報到日照例升用。○九年議准貴州省古州鎮標清江上江二協丹江下江台拱朗洞各營及古州道標都江廳標各副將參將遊擊守備千總把總都勻協左營遊擊千總

把總銅仁協副將左營守備千總把總右營遊擊守備千總把總長壩荔波各營遊擊守備千總把總均係新設苗疆要地定為三年俸滿歸化營遊擊守備千總把總都勻協副將左營守備千總把總右營遊擊守備千總把總銅仁協左營遊擊千總把總長寨營參將守備千總把總凱里營都司千總把總定廣協右營分駐大塘守備千總把總均係苗疆定為五年俸滿。十年議准嗣後調赴臺灣武職各官無論大小均以到臺之日起算俸分別報滿。又議准三

年五年俸滿各苗疆千把總如果年力健壯材
技優嫻人材弓馬可觀熟練營伍苗民安化地
方安謐並無叅罰事故者仍以三年五年俸滿
其尋常供職者照內地之例千總六年俸滿報
部把總考拔千總不得隨同該營將備概以三
年五年一例報滿○十二年議准雲南省猛緬
地處極邊路近緬莽應於永順鎮標撥守備千
把外委分布要隘塘卡防範巡查三年俸滿如
果稱職題報升用○十五年改四川省松潘鎮
屬之漳臘營遊擊為參將仍五年俸滿該督提

會覈題報升用。○又議准貴州省苗疆地方安
謐。非新闢時可比。千總俸滿。留部以守備即用。
未免過優。亦與別項升途有礙。嗣後此等千總
俸滿時。該督提保送到部。考驗人材弓馬引
見。係五年俸滿者。請

旨發往本省。交與該督與曾經出兵之年滿千總。按
其行走勞績。是否人地相宜。酌量題補。三年俸
滿者。請

旨以第一人第二人發回本省。酌量題補。以第三人
發往雲南。與雲南出兵之年滿千總。亦按其行

走勞績。是否人地相宜。酌量題補。○十七年。改四川省松潘鎮屬南坪營守備為都司。仍五年俸滿。該督提會覈題報升用。○十八年議定。臺澎俸滿水師人員。題報俸滿後。行文該督。將該員調回內地。遇有水師應升題補之缺。即行題補。○又移四川省威茂協副將駐維州。改為維州協副將。移其左營中軍都司駐舊保。右營都司駐雜谷腦。仍五年俸滿。該督提會覈題報升用。○又改廣西省右江鎮標左營遊擊為都司。仍以三年俸滿。題報升用。其鎮標右營遊擊。從

前五年俸滿題報升用。今既改為都司。仍為五年俸滿。○又改湖廣鎮筭鎮標前營遊擊為都司。仍以五年俸滿題報升用。○又改四川省松潘鎮標遊擊為都司。仍以五年俸滿題報升用。○又改貴州省古州鎮標右營遊擊為都司。仍以三年俸滿題報升用。○又奏准福建省澎湖水師人員。於題報俸滿後。該督將該員調回內地。遇有題補之缺。係其應升者。即行題補。○又議准武職既論俸推升。刪除加銜。凡從前已因升銜調任之各官。自當先行升用。其調任俸深

者別造一冊計初任接劄日期各按食俸先後
挨次升用。○又議准內河水師各官向與陸路
通行較俸遇應升時有水師員缺即行升用若
無水師員缺皆加銜留任內河水師各官既必
須以水師之缺升用嗣後止於水師內較俸升
轉至外海水師及河營各官皆由在外題補不
由部推從前亦與陸路通行較俸遇應升時加
銜留任嗣後此項員缺聽各該督提酌量題升
均毋庸與陸路較俸升轉不必加銜留任。○十
九年覆准向例軍功加至副將銜者升至副將

以前照京俸。加至都司銜者。升至遊擊以後。照常俸。今既刪除加銜。嗣後論俸推升。查明該員功加多寡。分別計算。照京俸推升。每推升一次。按從前正署加銜之數。銷去功加二等。所餘功加。准其隨帶。再遇推升之時。仍以京俸計算。至功加銷完之後。始照常俸升轉。○二十年議准。武職各官。原以弓馬為重。所有邊俸報滿人員。未便以其請悉。苗疆遂可懈弛武備。但任內果能苗民相安。地方安謐。若以考驗之目。弓馬平常。將苗疆數載勤勞。即行棄置。又無以示獎勵。

嗣後苗疆俸滿人員該督提考驗。如果弓馬去
得。照例題報升用。其弓馬平常者。該督提展限
一年。再行考驗。若能練習改觀。仍准題報升用。
儻依然平常。或勒令休致。或調補內地。將俸滿
之案註銷。○又題准。邊疆參將俸滿。向例加銜
調任。今加銜已經刪除。嗣後參將俸滿。照例註
冊。遇有副將員缺。將該員邊俸報滿之處。於開
列本內聲明具題。○二十三年。改廣東省虎門
協右營都司為左翼鎮右營守備。仍駐南村。改
為常俸。毋庸邊俸報滿。○二十四年題准。雲南

維西協副將都司。定為邊俸。三年報滿。該督提
分別保題升用。○二十五年題准。苗疆武職俸
滿。覈其營伍整頓。辦事奮往者。保題先行升用。
其營伍僅居次等。材技中平者。調回內地。照常
俸升轉。儻怠惰偷安。以致營伍廢弛者。隨時叅
處。○二十六年覆准。福建省澎臺參將遊擊都
司守備等官。改為三年俸滿。保題調回內地。照
例先行升用。○二十七年。改貴州省清江上江
各協中軍遊擊均為都司。仍五年俸滿。該督提
分別保題升用。○二十九年奏准。貴州省古州。

清江上江銅仁都勻丹江朗洞台拱荔波下江。
長壩各標協營。副將參將遊擊都司守備千總。
把總俱改為五年邊俸報滿。保題升用。其尋常
供職之員。調回內地。仍照常俸推升。○又改貴
州省都勻銅仁各協左營遊擊均為都司。仍以
五年邊俸報滿。該督提分別保題升用。○又奏
准副將邊俸報滿。令各督撫出具切實考語。聲
明能否堪勝總兵之任。送部引

見奉

旨。後遇有總兵缺出時。於開列本內。另繕清單進呈。

參將邊俸報滿。該督撫分別出具考語。保題升用者。於開列副將本內。另單請

旨。其未經保題者。俱照常俸升轉。○又題准。雲南省
昭通鎮標維西協。廣南營鎮雄營副將參將遊
擊都司守備。均改為五年俸滿。分別辦理。○又
議准。四川省維州協副將都司。均改為常俸。不
以邊俸計算。○又議准。廣東省龍門協左營守
備。定為五年俸滿。該督提分別保題升用。○三
十年

諭嗣後副將俸滿。仍照舊例送部引見。其聲明能否堪

勝總兵之處著概行停止。○又題准甘肅省西甯鎮屬保安貴德二營都司改為常俸。毋庸邊俸報滿。烏魯木齊提標中營參將守備。左營遊擊守備。右營都司守備。並各千總把總。烏魯木齊城守營都司守備。巴里坤鎮標中左右三營各遊擊守備。沙州協副將左右營都司。哈密協副將中軍都司。安西營參將守備。靖逆營遊擊。赤金營布隆吉爾營塔爾納沁營踏實營橋灣營各都司。塔爾灣營守備俱定為邊俸。五年報滿。分別保題升用。○又議准廣東省欽州營參將守

備定為五年俸滿。該督提分別保題升用。○三十一年。裁汰湖南省辰州協左營守備員缺。○又改甘肅省塔爾灣營守備為木壘營守備。仍俟五年俸滿。保題升用。○三十五年。裁汰貴州省古州道標守備員缺。○三十六年。議准。甘肅省濟木薩營參將守備千總把總。古城營遊擊。五年俸滿。分別保題升用。○三十九年。議准。廣西省義甯協副將都司。改為三年俸滿。該督提分別保題升用。○四十年。題准。雲南省騰越鎮標左營都司守備。龍陵協副將都司守備。均定

為五年俸滿。永順鎮改為永昌協。其右營守備駐紮緬甯。三年俸滿。該督提分別保題升用。○四十一年題准。甘肅省瑪納斯協副將。左右二營都司守備千總把總。五年邊俸報滿。分別保題升用。○又移甘肅省沙州協副將都司駐安西。作為安西協副將都司。移安西營參將守備駐沙州。作為沙州營參將守備。仍俟五年俸滿。分別保題升用。○四十二年題准。甘肅省巴里坤添設城守營都司一員。將踏實營都司改駐。仍定五年俸滿。分別保題升用。○四十三年題

准甘肅省鞏甯滿城城守營都司千總把總俱
定為五年俸滿。分別保題升用。○四十四年奏
准。邊俸報滿人員。考驗弓馬可觀。年力壯盛者。
保題先行升用。其弓馬平常。年力未衰者。調回
內地。將邊俸升用之處註銷。其弓馬不及。年力
已衰者。勒令休致。所有向例展限一年學習之
例停止。○又議准甘肅省伊犁鎮標中左二營
遊擊守備。右營都司守備。各千總把總。霍爾果
斯營參將守備。巴燕岱營都司。塔爾奇營守備。
五年俸滿。分別保題升用。○四十六年議准甘

肅省喀喇巴爾噶遜營守備千總把總五年俸滿保題升用。又題准雲南省新設維西協右營守備五年俸滿保題升用。四十七年議准甘肅省庫爾喀喇烏蘇營精河營遊擊都司守備千總把總五年俸滿保題升用。又議准分駐緬甯之雲南永昌協右營守備撤回將鶴麗鎮右營守備裁汰改為順雲營右軍守備駐緬甯仍俟三年俸滿保題升用。又題准廣東省永靖營遊擊守備定為五年俸滿該督提分別保題升用。四十八年奏准福建省澎湖調回

內地註銷邊俸人員毋庸送部。○又奏准。苗疆澎湖臺灣俸滿人員其升用之期較常俸倍速與保送保題人員無異。自應一體調取引

見恭候

欽定。至循分供職調回內地之員將俸滿先行升用之處註銷毋庸送部。此內如有年力就衰材技平庸者該督撫隨時叅劾。○又奏准。議敘得有功加各員俱按奉

旨日期較俸升用。毋庸按領劄日期較俸。○又議准。四川省懋功協崇化營綏靖營撫邊營慶甯營

副將遊擊都司守備千總定為三年俸滿。如果屯防奮勉。董勸有方。該督提會覈保題升用。四十九年奏准。一等待衛。二等待衛。行走已滿三年。三等待衛。藍翎侍衛。行走已滿四年。由領侍衛內大臣鑒儀衛大臣。出具考語保送。由部考驗弓馬。將應何分別錄用之處。帶領引

見恭候

欽定註冊。應用月分。參將遊擊都司。按行走年月日期。挨次銓選。如俸次相同。按科分甲第名次銓選。守備與歸班以營守備用之武進士。按科分

名次銓選一等二等侍衛奉

旨記名以參將遊擊用者。遇應用月分。參將之缺並出。參將俸深即用參將。遊擊俸深即用遊擊。如本月無遊擊之缺。專用參將。如無參將之缺。專用遊擊。參將遊擊俱無缺出。本年停選。歸於下年應用月分。三等侍衛記名以遊擊都司用者。俱照此辦理。其缺毋庸先行指定。與月選人員一同掣籤。其年滿記名人員如遇各省奏請揀發。准與在部候補候選人員一體揀選。○五十四年議准。駐防西藏臺站遊擊都司守備三年。

期滿。由駐藏大臣奏明咨送各該員本省將軍
總督提督考驗。照邊俸之例辦理。○五十六年
奏准楚省由疆各缺。均照內地人員一體升轉。
不以邊俸報滿。○五十七年題准貴州省長寨
營參將守備銅仁協副將。右營遊擊守備。左營
都司守備。均改為常俸。照內地之例辦理。○五
十九年奏准武職得有功加人員。遊擊都司守
備等官。論俸推升時。准其以一年作為年半計
算。較俸升用。其參將人員得有功加者。遇缺出
開列副將時。另繕清單。隨本進呈。○嘉慶二年

覆准湖南省提標左營遊擊守備。後營烏宿營
各都司。洗溪營浦市營各守備。辰州城守營都
司。辰溪營守備。綏靖鎮中軍遊擊守備。右營都
司守備。乾州協副將都司守備。保靖營參將守
備。鎮溪營遊擊守備。鎮筵鎮左營遊擊守備。古
丈坪營都司。永綏協右營守備。俱定為五年俸
滿。分別保題升用。○四年議准。湖南省鎮筵鎮
中左二營遊擊守備。前營都司守備。永州鎮中
左右三營遊擊守備。沅州協靖州協永綏協永
順協辰州營宜章營桂陽營武岡營長安營。綏

甯營城步營晃州營各副將參將遊擊都司守備均照五年俸滿之例辦理。○又移湖南省烏宿營都司駐河溪改為河溪營都司。洗溪營守備改為河溪營都司中軍守備。仍俟五年俸滿保題升用。○五年改湖南省辰溪營守備為辰州城守營都司中軍守備。仍俟五年俸滿保題升用。○又移雲南省順雲營參將駐緬甯。定為三年俸滿分別保題升用。○又覆准貴州省銅仁協副將都司守備千總把總松桃協副將遊擊都司守備千總把總俱係苗疆要缺。定為五

年俸滿。分別保題升用。○六年。移湖南省鎮筵
鎮右營巖門遊擊駐曬金塘。移提標左營守備
駐巖門。作為鎮筵鎮標中營後軍守備。並將浦
市營守備。改為提標左營守備。仍定為五年俸
滿。保題升用。○又覆准。貴州省永安協副將左
營守備冊亨營都司安義鎮標遊擊左營守備。
俱定為五年俸滿。分別保題升用。○又移貴州
省松桃協右營守備駐石硯。改為石硯汛守備。
仍俟五年俸滿。保題升用。○又覆准。貴州省安
義鎮標分防馬鞭田汛白雲壘汛龍場汛巴林

汛並永安協屬之關嶺汛。募役司汛。盤江汛。冊
亨營。安南營。右哨。各千總。均定為五年俸滿。分
別保送升用。○七年。裁汰貴州省都勻協右營
守備。改為長寨營。廣順汛。右軍守備。仍定為五
年俸滿。分別保題升用。○八年。議准。貴州省黔
邊。芭茅坪。杆子坳。地方。為楚省苗人往來貿易
之所。安設守備一員。作為磐石營。左軍守備。定
為五年邊俸。保題升用。○九年。移湖南省武岡
營。遊擊中軍守備。駐芭茅坪。並將城步汛守備。
作為武岡營。遊擊中軍守備。均定為五年邊俸。

保題升用。十年議准。雲南省普洱鎮屬威遠地方。添設專營。分為左右二軍。移新習營參將駐威遠。作為威遠營參將。移普洱鎮標左營遊擊駐新習。作為新習營遊擊。原設左營守備。改為威遠營左軍守備。並增右軍守備一員。其改添參將守備。定為三年邊俸。保題升用。其新習營遊擊。仍作為常俸題缺。○又議准。湖南省鳳凰乾州。永綏三廳古丈坪保靖縣。新設屯千總把總外委。定為五年俸滿。千總俸滿。如果實心經理訓練有方。苗民相安。地方靜謐。該督提保

送引

見回任以苗疆守備題補。其尋常供職者。准其留任。咨部換給劄付。把總外委。如果技藝純熟。訓練有方。隨時考拔。不得概以五年報滿。○十一年。移貴州省清江協右營守備。駐松桃。作為松桃協右營守備。仍為五年邊俸。保題升用。○十三年。議准四川省新設義邊左營守備。馬邊營守備。五年俸滿。分別保題升用。○十四年。議准湖南省新設鳳凰廳屯守備三員。乾州古丈坪保靖三廳縣新設屯守備一員。永綏廳新設屯守

備二員。定為五年俸滿。如果訓練精勤。苗民和輯。邊地敕安。該督撫保題升用。○又定千總升補守備。其原任所得功加。例不查銷。至卓異千總。係論俸推升。原任所得功加。即照功俸計算。遇升用時。即銷去功加二等。○道光十二年奏准廣東省崖州協水陸副將守備中軍陸路都司。二年俸滿。該督提於內地所屬各員內揀選熟悉風土。諳練營務。能耐煙瘴之員。題請調補。前往更換。果能整飭營伍地方。回至內地。該督提據實題明。按該員應升之缺。即行升用。○十

四年奏准。四川省越舊營參將守備千總。普安營參將。阜和協右營都司千總。安阜營都司千總。甯越營都司。我邊營守備千總。均作為三年邊俸。分別保題升用。○十五年奏准。四川省我邊營遊擊。原係三年邊俸題缺。今移改為參將。應作邊俸參將題缺。成都城守營參將。本係題補之缺。今移改為遊擊。應作為遊擊題缺。照常俸升轉。其我邊左營守備。改為參將中軍守備。中軍守備。改為右營守備。該守備本係邊俸題缺。應仍作為三年邊俸題缺。○十九年議准。四

四川省馬邊協副將左營都司。右營守備。存城營
守備千總均係三年邊俸。原設青雲營守備。改
為普安右營守備。仍係三年邊俸之缺。○又改
四川省原設小河營守備為萬全營守備。定為
三年邊俸。保題升用。○又改原設四川省南坪
營都司為鎮遠營都司。定為三年邊俸。保題升
用。○又裁汰四川省建昌右營都司。改為保安
營都司。定為三年邊俸。保題升用。○二十五年
奏准。直隸沿海副將遊擊。歷俸二年。都司守備。
歷俸三年。由總督提督考覈保題送部引

思以應升之缺升用。把總以下各官。歷俸三年。記名拔補。至遊擊一項。如係本省人員。歸於五缺後。由部升選。○二十九年。改雲南省龍陵協副將。為龍陵營參將。改龍陵右營守備。為中軍守備。仍係五年邊俸。○又奏准。雲南省順雲營參將。原係三年邊俸。改為順雲協副將。仍定為三年邊俸。龍陵協中軍都司。改為順雲協中軍都司。順甯右營守備。改為順雲協分駐錫臘右營守備。俱係三年邊俸之缺。○咸豐二年。奏准。四川省崇化營都司。原係三年邊俸。改為五年邊俸。

○又改四川省建武營都司為平安營都司。與該營千總俱定為三年邊俸。保題升用。○六年奏准。福建省臺灣水師陸路副將參將遊擊都司守備缺出。如臺地無人可升。內地無人可調。准於內地揀選熟悉風土諳練營務之員升補。歷俸五年期滿。果能整飭營伍。撫綏地方。悉照各省邊俸之例。由該督撫出具切實考語。保題送部引。

見升用。○光緒三年奏准。各省邊俸期滿人員到部。毋庸守候保題。即據咨揭隨時帶領引。

見○五年奏准。廣西省新設恩隆營守備。燕崗汛千總。分防隴田汛把總。均作為三年邊俸。分別保題升用。○七年。改貴州省長寨營參將右軍守備為羅斛營參將。左右營守備。俱係五年邊俸之地。

銓選停升。○順治年間。定地方失事。督撫提鎮題叅疏防各官。以揭帖到部。即行停升。如無揭帖者。以科鈔到部停升。如推升已經掣籤。尚未具題。有以地方失事題叅奉

旨到部者。亦除扣停升。督撫提鎮特疏糾叅各官。亦

以揭帖到部。即行停升。如無揭帖者。以科鈔到部停升。其提問拘問者。不候事結。即行停升。若督撫提鎮題參因公註誤案件。議覆未結。及科道糾參。或被人訐告等事。議覆未結。遇有應升不停。○乾隆六年奏准。科道糾參。或有不實。被人訐告。或有挾嫌。雖議覆未結。均不停升。若督撫提鎮題參因公註誤案件。處分降革罰俸不等。雖議覆未結。亦即停升。○九年覆准。巡捕三營各升。遇有失竊之案。照例參送。議處後均免停升。遇有員缺。一例揀選升拔。所有原參處分。

帶於新任仍令加意協緝務獲若限滿不獲扣
限叅送照離任官例議處完結○四十二年奏
准綠營衛所武職薦舉後續有承督未結案件
及停升等項事故至下次軍政時係有事故之
員例不准再舉者其卓異之處照舊存留俟開
復後照例升用如因較俸候升再逢軍政時該
督撫考覈條循分供職列入平等者將該員上
次薦舉卓異之處註銷不准升用

拔補千把總○康熙二十九年覆准營千總員
缺該將軍督撫提鎮於把總內揀選把總員缺

於在營食糧兵丁內揀選均將材技優長弓馬嫻熟者拔補咨部請劄如未經受劄者止稱委署千把總○三十年議准巡捕營千總員缺以把總拔補把總員缺以兵丁拔補如有應用千把總人員亦准拔補○雍正五年議准本營兵不准拔補本營千把總其將軍督撫提鎮標下如中左右前後營准其互調拔補或各標協營同城者亦准其互調拔補至於獨營地方千總有左哨右哨之分把總有頭司二司之別准其隨地酌量拔補如無鄰近營汛即於本營左哨

右哨及頭司二司內彼此互調拔補。○六年議
有兵丁熟練水務者。但能步箭合式。於藤牌大
刀內兼精一藝。即准拔補水師把總。拔補之後。
令其演習騎射。再拔補千總。其騎射不能。水務
又不熟練者。隨時咨汰。若騎射雖屬平常。果深
通水務。該督撫提鎮咨部記名。專以水師營補
用。○七年議准。直省將軍督撫提鎮拔補經制
千把總咨報到部。與定例相符者。按月一本彙
題請

旨。給予劄付。令其任事。○八年議准。把總食俸。已過

三年。果騎射兼優。人材出衆。任內並無盜案疏防叅罰。止有承追降職降俸之案。未經開復者。該將軍督撫提鎮。於拔補文內聲明。由部查覈彙題。准其拔補千總。仍將降職降俸之案。帶於新任。○十三年議准。直省各鎮協營。不待把總員缺。先將外委兵內。每營選擇數名。或於請餉公事。或隨將備調考之便。呈送將軍督提考驗。將合式者記名。俟有把總員缺。先儘本營所送之人。考驗拔補。應調拔者。照例調拔。如所送之人。不堪拔補。該將軍督提即於記名人內。擇其

等次最優營分附近者指名調考拔補。仍令該管官於歲終將記名之人造冊彙報。僅有行止更改弓馬生疏者據實呈報。該將軍督提將記名註銷如記名之人將近用完再令各營呈送考驗。該將軍督提每年將考驗記名之外委及兵姓名開造履歷事蹟清冊報部。○乾隆六年奏准千把總緣事斥革者即令離營原劄繳部塗銷存案。○又奏准將軍督撫提鎮將部冊無名未食糧之人拔補把總者照徇情例降三級調用。若該管官詳報將軍督撫提鎮拔補者將

該管官降三級調用。將軍督撫提鎮罰俸一年。
○又奏准直隸馬蘭泰甯二鎮千把總員缺。該
督將應用千把總之人擬定正陪咨部引

見補授。○二十三年

諭。各省水師所設兵弁。自以熟悉水務為要。若較騎射。
是輕其所重。而重其所輕。殊非設立水師本意。嗣後
除內河仍照舊拔補外。其外海各兵弁。著該管官於
出巡時。留心查察。分別等第。詳記檔案。遇有考拔外
委。以一等兵丁考補。千把總以一等把總外委考補。
如一等不敷。即用二等。庶不致所試非所用。而營務

可收實效。至水師保送俸滿千總著各督提等嚴行
考覈分發隔營統巡大員帶領出海試驗。如果嫻習
水師准其送部引見。或濫行保送及扶同徇庇者查
明叅處俱著為令。○二十四年議准直隸省千把總
缺出以第一第二缺歸軍營弁兵拔補第三缺
歸存營弁兵拔補。○二十五年議准把總缺出
准將候補千總武舉參酌借補。如果行走勤慎
遇有千總缺出仍准其與現任把總一體揀拔
○二十七年議准河營千把總缺出先儘別營
揀選熟諳工程之人拔補。如別營一時不得其

人即於本營弁兵內揀選考拔。○二十九年議
准湖南省各營千把外委仍由該營挑選名數
呈送提督考驗轉送總督考拔除補缺外尚有
技勇可觀者記名註冊下次遇缺補用毋庸再
行送考。○三十六年奏准北路等處屯田兵丁
內考驗保送如有弓馬可觀者即予註冊遇有
把總缺出與存營兵丁相間輪補。○四十年

諭向來馬蘭泰甯二鎮千把總員缺俱由各該鎮擬定
正陪送部引見候旨簡補其未經補用之擬陪各員
下次雖得擬正亦尚須赴京引見此等微弁既經挑

選擬陪原條可供錄用之人。其下次遇缺擬正。再令來京引見。未免復勞跋涉。嗣後馬蘭泰甯二鎮升補千把總。所有擬陪之員。著該部記名。下次遇有應補缺出。即按次補用。毋庸再行送部。著為令。○四十一年議准。甘肅省瑪納斯協左右二營千把總缺出。由該都統就近在於本營並烏魯木齊提標及屯防弁兵內。會同提督選拔報部。○四十三年議准。各省選拔把總時。於別項人員補用三缺後。將精習鳥槍者。選拔一人。俟升至千總。毋庸以精習鳥槍註考。○四十四年覆准。水師營

輪拔把總。先將熟諳鳥槍之外。委拔補。如有可拔之人。即於熟習鳥槍之額外。外委及戰兵內。計缺選拔。○五十六年奏准。直省提鎮協營。遇有千把總缺出。統歸總督考拔。其無總督之省。分。即令巡撫考拔咨部。○五十七年

諭。科布多等處。換防屯田官兵。例由宣化鎮屬派往。班滿回營後。仍派在督提二標學習。並未定有年限。以致補缺無期。皆由原送官兵。為數過多。是以班滿回營。人多壅滯。所有此等換防屯田官兵。應如何覈計數目。酌量保送之處。著該部定議具奏。欽此。遵

旨議定。科布多烏里雅蘇台換防屯田兵丁。如有實在奮勉者。准於二十名內。保送一名。任缺毋濫。仍分別告駐回營辦理。其回營兵丁。分在本鎮學習。再限一年。如果弓馬可觀。該督提秉公考驗拔補。若材技平常。難以造就者。即將保送之處註銷。其告駐兵丁。咨補營缺。各該督撫詳加考驗。不得因其業經補缺。稍事姑容。○五十八年諭。嗣後浙省提督巡撫及鎮標千把總外委等官。遇有拔補。應送總督考驗者。俱交巡撫就近考拔。咨會總督。庶微弁可省帶費。而營務亦不致曠誤。該部即遵

諭行。○嘉慶五年奏准。向例各省武職員弁。除拏獲小賊隨時酌賞外。如緝拏多賊。及搶劫重案。並舉發捕役。素縱暨獲積窩者。守兵准其拔補馬戰馬。戰拔補外委。外委拔補把總。把總拔補千總。嗣後遇有千總外委缺出。於弓馬可觀之中。先儘獲賊較多之弁兵。以次拔補。仍令該管上司隨時稽查。嚴飭營汛弁兵認真緝捕。詳細登簿記名。以復舊制。如有希功誣捏。以致擾害良善者。令督撫提鎮等嚴參治罪。並將弁兵等獲盜數目。先行造冊報部備查。○又覆准。直省考

拔千總各歸就近督撫提督分別拔補。至把總
俱歸就近提鎮考驗拔補。仍詳明督撫提督咨
部給劄。又定派往烏里雅蘇台屯田兵丁保
送以把總用者。向按通省缺次以第一缺補用
屯田人員第二第三缺補用存營人員其由把
總保送應以千總用者亦照此辦理。又定江
西省九江鄱湖湖南湖水師三營僅設千總一缺
無從分別營汛司哨遇有缺出即以本營兵丁
出身之弁考拔。十三年奏准直隸省馬蘭鎮
屬防護

陵寢後龍各營汛千把外委。在任八年。未經升調者。即於該鎮屬各營員弁內。揀選咨部對調。○道光六年奉

旨。昆明湖戰船二隻。現俱虧朽。著即裁撤。其水師營應裁實缺千總三員。聽其自便。如該弁等願回本省。即咨回籍營伍當差。倘不願回籍。即交內務府酌議。應撥何處。奏明辦理。○又奏准。捐納營千總把總。俱應赴部具呈考驗。分發本省。與在營兵弁較拔。二人後用捐納一人。遇應用捐班時。用新捐二人。後用舊捐一人。各按到標先後。挨次補用。○又

議。凡鄉勇義民等有奉

旨賞給千把總職銜者。應照本職加捐。並准其遞行捐升。仍不准改捐文職。其在外虛給頂戴未經奏明報部。前經奏准勒限一年。查明給予執照。毋論何項頂戴。仍准其戴用。有願捐武職者。照監生武生加捐。有願改捐文職者。准作貢監生。照例改捐。○又議准。隨營效力候補千把總武舉。如緣事斥革。准照千把總捐復例。一體具呈捐復。隨營效力。由兵部覈其情節。分別輕重。摘敘案由。奏明請

旨○又議准。外委千總。外委把總。如緣事斥革。准照把總捐復例。酌減四成。一體具呈捐復。由兵部覈明案由。分別准駁。彙題請

旨。七年議准。廣西省各標鎮協營學習期滿恩騎尉及效力期滿武進士武舉。遇有千總缺出。以第一輪第五缺用恩騎尉一人。第十缺用武進士一人。第二輪第五缺用恩騎尉一人。第十缺用應拔千總之武舉一人。其餘等缺。以營弁拔補。十缺一輪。周而復始。如輪用恩騎尉武舉時。無人。仍以營弁選拔。武進士武舉分班輪補。如

輪用武進士無人。即以武舉選拔。僅並無武舉。仍以營弁選拔。把總缺出。以第十缺用。應拔把總之武舉一人。無應補武舉。仍以外委拔補。亦以十缺為一輪。周而復始。所有輪拔千把總之武進士武舉。如非隔府別營。准其查缺調換。其輪拔千總之恩騎尉。有距籍寫遠者。准與原籍附近堪調之員對調。○十三年奏准。上次捐輸助賑章程。各省捐納營千總把總。即令各該督撫考驗報部。留於本省候拔。今捐輸既經停止。所有捐輸案內報捐營千總把總。應一體赴部。

具呈考驗分發。○又議定凡由監生武生捐職營千總與揀選一二等以營千總用。未經分發效力之武舉及現任把總並揀選三等以衛用。及未經揀選武舉候補把總俱准報捐分發本省以千總拔補。由現任把總並隨營候補把總捐升者仍留該省遇缺拔補。○又議定凡由監生武生捐職把總與揀選三等以衛用。及未經揀選武舉俱准報捐分發以把總拔補。如已經得缺未到任之先有願捐升者照現任人員報捐免其到任。准其一體報捐升用。○十四年奏

准。廣東省綏。搖營把總外委缺出。即於本營通
曉。搖語。熟悉。搖情之弁兵內。揀選拔補。○十七
年

諭。閩浙兩省。向來拔補把總外委。並無選取鳥槍弁兵
升拔之案。其馬兵缺出。亦無將鳥槍戰守各兵拔補
者。與二缺後選拔一人之例不符。嗣後閩浙兩省。凡
遇把總外委馬兵等項輪流選拔鳥槍缺次。即以精
熟鳥槍弁兵考校拔補。務使各營員弁。於火器均能
熟悉。鳥槍兵丁。咸知奮勉。以重操防而昭激勸。○又
覆准。雲騎尉告降千總一經得缺。應與在營千

總一律考察。○二十年奏准。嗣後凡捐納營千
總發標效力。一年期滿。考驗弓馬平常。營務未
悉。酌量降休。如實在弓馬去得。當差勤奮。留營
候補。遇應用捐班時。仍按到標先後挨次補用。
○二十五年議准。奉

特旨發回本省以千總用之員。比照捐納營千總。限
以一年學習期滿。遇缺拔補。毋庸計缺輪拔。如
弓馬生疏。營伍未能諳練。再比照世職人員展
限之例。再行予限一年學習。○二十八年覆准。
本係營弁報捐營把總。在任候升。免效力試用。

以呈投履歷之日作為到標候補日期。○咸豐元年奏准捐納千把總人員。准其指捐分發東河南河效力。○四年議准報捐千把總人員。准其捐免驗看。責令各該督撫覈實考驗弓馬。准免赴部堂考。○六年議准江南河營外委協防。比照綠營把總之例。准其報捐。俟到工後試用一年期滿。由該督察看。該員如果諳習工埽。報部註冊。留標候補。○同治四年議定嗣後捐納千把總。呈請分發。並捐免驗看人員。有本省咨文冊結。免其取具同鄉京官印結。如無本省咨

文冊結。必須取具同鄉京官印結。以杜冒濫。○
六年奏准。嗣後捐納千把總。捐免驗看。准其收
標。其未捐免驗看之捐納千把總。即保有升階。
仍須一律送部。分發後方准收標。○八年奏准。
恩騎尉告降把總。應照把總之階升轉。不得再
歸千總。以杜取巧。○光緒五年議准。覆試不符
武舉發標學習。五年期滿。經該督撫考驗。堪以
留營。作為中式武生。以把總候補。○十二年奏
准。軍營保舉千總以下微末員弁。無論本籍收
標。及改留他省。均准督撫隨時咨部。毋庸奏明。

辨理

[illegible]